

Կ Ա Ր Գ

ԱՆԱՄՆԱԲՈՒԺՈՒԹՅԱՆ ԵՎ ԲՈՒՍԱՍԱՆԻՏԱՐԻԱՅԻ ՈԼՈՐՏՆԵՐՈՒՄ
ՊԵՏԱԿԱՆ ՎԵՐԱՀՍԿՈՂՈՒԹՅՈՒՆ ԻՐԱԿԱՆԱՑՆՈՂ ՊԱՇՏՈՆԱՏԱՐ
ԱՆՁԱՆՑ ՀԱՄԱԶԳԵՍՏԻ ՁԵՎԻ ՈՒ ԿՐՄԱՆ

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով կարգավորվում են Հայաստանի Հանրապետության գյուղատնտեսության նախարարության սննդամթերքի անվտանգության պետական ծառայության (այսուհետ՝ ծառայություն) անասնաբուժության և բուսասանիտարիայի ոլորտներում պետական վերահսկողություն իրականացնող պաշտոնատար անձանց (այսուհետ՝ պետական վերահսկողություն իրականացնող անձ) համազգեստի (այսուհետ՝ համազգեստ) ձևի և կրման կարգի հետ կապված հարաբերությունները:

2. Համազգեստը կրում են պետական վերահսկողություն իրականացնող անձինք ծառայողական պարտականությունների կատարման ժամանակ:

3. Համազգեստը պետք է համապատասխանի սույն կարգի պահանջներին և պահվի անթերի վիճակում:

4. Պետական վերահսկողություն իրականացնող անձանց մեղքով սահմանված ժամկետներից շուտ օգտագործման համար ոչ պիտանի դարձած համազգեստը փոխարինվում է նորով պետական վերահսկողություն իրականացնող անձի միջոցների հաշվին:

II. ՊԵՏԱԿԱՆ ՎԵՐԱՀՍԿՈՂՈՒԹՅՈՒՆ ԻՐԱԿԱՆԱՑՆՈՂ ԱՆՁԱՆՑ
ՀԱՄԱԶԳԵՍՏԻ ՆԿԱՐԱԳԻՐԸ

5. Պետական վերահսկողություն իրականացնող տղամարդկանց համազգեստը կազմված է՝

1) **գլխարկ ականջակալներով՝** մահուդից, բաղկացած է թասակից, ականջակալներից և ճակատային մասից (հովար): Ականջակալները և հովարը մշակված են մորթուց, թասակը չորստապականի է (նկար 3).

2) **պիլոտկա՝** մուգ կապույտ կտորից, բաղկացած է երկարացված հատակի 2 մասից, 2 պատից և կենտրոնական մասում իրար վրա ծավկող 2 փեշիկից: Վերծավված եզրակարերը՝ մուգ կանաչ, ձախ կողմում՝ 3 օղանցք: Առջևի կենտրոնական մասում ամրացվում է ծառայության խորհրդանշանը (նկար 1).

3) **կիսավերարկու՝** մուգ կապույտ անջրանցիկ (անջրաթափանց) կտորից, ուղիղ ուրվագծով, ձախ լանջափեշը՝ 5 կոճակով կոճկվող գաղտնակար հանգույցով, հանվող տաք ներդիրով, որն ամրացվում է կայծակաճարմանդով (շղթա), արհեստական մորթուց հանովի օձիքով և գլխանոցով: Թիկնամասը և լանջափեշերը՝ կրծքամասում կտրվածքով: Միացման տեղով անցնում է 2,5 մմ լայնքով կանաչ երիզ: Թևերը երկկարանի են: Երկու լանջափեշի վրա՝ թեք ներկարված գրպաններ: Աստառը՝ մետաքսյա, ձախ կողմում՝ ծոցագրպան: Գոտկատեղում և ներքևում՝ թաքնված գոտկապարան: Կիսավերարկուի ձախ թևքին կարվում են ծառայության խորհրդանշանը և համապատասխան ստորաբաժանման անվանումը (նկար 3).

4) **բաճկոն՝** մուգ կապույտ կտորից, առջևի մասում կոճկվում է կայծակաճարմանդով, 4 կոճակով կոճկվող գաղտնակար հանգույցով: Կրծքամասի երկու կողմում տեղադրված են արտաքին գրպաններ՝ կափույրներով, իսկ փեշերի ներքևի մասում՝ կափույրով թեք գրպաններ: Բաճկոնի օձիքը, թևածալքերը և գրպանները մուգ կանաչ եզրաշերտով են՝ 2,5 մմ լայնությամբ: Բաճկոնի ձախ թևքին կարվում են ծառայության խորհրդանշանը, համապատասխան ստորաբաժանման անվանումը, իսկ աջ թևքին՝ Հայաստանի Հանրապետության դրոշը (նկար 2).

5) **վերնաշապիկ երկարաթև՝** սպիտակ, ծալովի օձիքով, կրծքամասում՝ կոճակով կոճկվող կափույրով և շերտակարով վրադիր գրպաններ, հետևամասը՝ վերին կտրվածքով, կոճկվում է 8 կոճակով, ձախ կտրվածքը՝ շերտակարով, թևքերը՝ երկար, կոճակով կոճկվող թեզանիքներով: Վերնաշապիկի գրպանները մուգ կանաչ եզրաշերտով են՝ 2,5 մմ լայնությամբ: Փողկապը մուգ կանաչ է, առջևի կենտրոնական մասում ամրացվում է Հայաստանի Հանրապետության զինանշանը.

6) **վերնաշապիկ կարճաթև՝** սպիտակ, ծալովի օձիքով, կրծքամասում՝ կոճակով կոճկվող ձևավոր կափույրով և շերտակարով վրադիր գրպաններ, ուղիղ գոտիով, կարագծերին էլաստիկ ժապավեններ, հետևամասը՝ վերին կտրվածքով, կոճկվում է 8 կոճակով, ձախ կտրվածքը՝ շերտակարով, թևքերը՝ կարճ, ուղիղ թևքածալերով, տրվում է ամառային բաճկոնի փոխարեն: Վերնաշապիկի գրպանները մուգ կանաչ եզրաշերտով են՝ 2,5 մմ լայնությամբ: Վերնաշապիկի ձախ թևքին կարվում են ծառայության խորհրդանշանը և համապատասխան ստորաբաժանման անվանումը (նկար 1).

7) **տաբատ՝** մուգ կապույտ կտորից, ուղիղ ուրվագծով, մուգ կանաչ եզրաշերտով: Գոտին՝ գոտեմակողերով, կոճկվում է կոճակով և շղթայով: Արտաքին գրպաններն ուղիղ են (նկար 1, 2, 3):

6. Պետական վերահսկողություն իրականացնող կանանց համազգեստը կազմված է՝

1) **գլխարկ ականջակալներով՝** մահուդից, բաղկացած է թասակից, ականջակալներից և ճակատային մասից (հովար): Ականջակալները և հովարը մշակված մորթուց են: Թասակը չորստապականի է (նկար 7).

2) **գլխարկ՝** մուգ կապույտ բրդյա կտորից, լայնեզր, բաղկացած է թասակից և դեպի վերև ծալված գլխարկաբոլորքից: Գլխարկաբոլորքը ճակատային մասում ունի 10 սմ լայնություն, իսկ հետևի մասում՝ 7 սմ: Գլխարկաբոլորքի եզրը կարված է 2 մմ լայնքով մահուդից: Առջևի կենտրոնական մասում՝ մուգ կանաչ 3 սմ լայնությամբ ժապավենի վրա, ամրացվում է ծառայության խորհրդանշանը (նկար 5, 6).

3) **պիլոտկա՝** մուգ կապույտ կտորից, բաղկացած է երկարացված հատակի 2 մասից, 2 պատից և կենտրոնական մասում իրար վրա ծավլող 2 փեշիկից: Վերծավված եզրակարերը՝ մուգ կանաչ, ձախ կողմում՝ 3 օղանցք: Առջևի կենտրոնական մասում ամրացվում է ծառայության խորհրդանշանը (նկար 4).

4) **կիսավերարկու՝** մուգ կապույտ, սև անջրանցիկ (անջրաթափանց) կտորից, ուղիղ ուրվագծով, ձախ լանջափեշը՝ 5 կոճակով կոճկվող գաղտնակար հանգույցով, հանվող տաք ներդիրով, որն ամրացվում է կայծակաճարմանդով, արհեստական մորթուց հանովի օձիքով և գլխանոցով: Թիկնամասը և լանջափեշերը կրծքամասում կտրվածքով: Միացման տեղով անցնում է 2,5 մմ լայնքով կանաչ երիզ: Թևերը երկկարանի են: Երկու լանջափեշի վրա՝ թեք ներկարված գրպաններ: Աստաղը՝ մետաքսյա, ձախ կողմում՝ ծոցագրպան: Գոտկատեղում և ներքևում՝ թաքնված գոտկապարան: Կիսավերարկուի ձախ թևքին կարվում են ծառայության խորհրդանշանը և համապատասխան ստորաբաժանման անվանումը (նկար 7).

5) **բաճկոն՝** մուգ կապույտ կտորից: Առջևի մասում կոճկվում է կայծակաճարմանդով (շղթա), 4 կոճակով կոճկվող գաղտնակար հանգույցով: Թիկնամասի ու լանջափեշերի կրծքամասով և թևքերի թեզանիքներով՝ կտրվածքով միացման տեղերով անցնում է 2,5 մմ լայնքով մուգ կանաչ երիզ (կանտ): Փեշերի ներքևի մասերում ունի կափույրով թեք կողային գրպաններ, ձախ կողմում ունի ծոցագրպան: Բաճկոնի օձիքը և թևածալքերը մուգ կանաչ եզրաշերտով են՝ 2,5 մմ լայնությամբ: Բաճկոնի ձախ թևքին կարվում են ծառայության խորհրդանշանը, համապատասխան ստորաբաժանման անվանումը, իսկ աջ թևքին՝ Հայաստանի Հանրապետության դրոշը (նկար 5, 6).

6) **վերնաշապիկ երկարաթև՝** գույնով և ձևով նման է սույն կարգի 5-րդ կետի 5-րդ ենթակետում նկարագրված վերնաշապիկին՝ դեպի ձախ կոճկումով, ձախ շերտակարի փոխարեն կարվում է աջ շերտակար.

7) **վերնաշապիկ կարճաթև՝** գույնով և ձևով նման է սույն կարգի 5-րդ կետի 6-րդ ենթակետում նկարագրված վերնաշապիկին՝ դեպի ձախ կոճկումով, ձախ շերտակարի փոխարեն կարվում է աջ շերտակար (նկար 4).

8) **կիսաշրջագեւտ՝** մուգ կապույտ կտորից, ուղիղ կտրվածքով, մուգ կանաչ եզրաշերտով, հետևանասում՝ կափույրով ճեղքվածքով: Ձախ կողմից կոճկվում է շղթայով (նկար 4, 5).

9) **տաբատ՝** մուգ կապույտ կտորից, ուղիղ ուրվագծով, մուգ կանաչ եզրաշերտով: Գոտին՝ գոտեմակողերով, կոճկվում է կոճակով և շղթայով: Արտաքին գրպաններն ուղիղ են: Հետևանասի աջ կողմում ունի կոճակով կոճկվող կափույրով գրպան (նկար 6, 7):

III. ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՅՈՒՂԱՏՆՏԵՍՈՒԹՅԱՆ ՆԱԽԱՐԱՐՈՒԹՅԱՆ ՄՆՆԴԱՄԹԵՐՔԻ ԱՆՎՏԱՆԳՈՒԹՅԱՆ ՊԵՏԱԿԱՆ ԾԱՌԱՅՈՒԹՅԱՆ ԽՈՐՀՐԴԱՆՇԱՆԸ

7. Ծառայության խորհրդանշանը օվալաձև է, երկարությունը՝ 97 մմ, լայնությունը՝ 85 մմ, կարվում է կիսավերարկուի, բաճկոնի և վերնաշապիկի ձախ թեքին՝ ուսակարից 70 մմ ներքև:

8. Խորհրդանշանը՝ ոսկեգույն գավազան, որի վրա ոլորաձև պատկերված է կանաչ օձ: Գավազանի ներքևի մասում՝ երկու կողմերում V-աձև տեղադրված է ոսկեգույն ցորենի մեկական հասկ: Ձախ ցորենի հասկի ստորին մասում ոսկեգույն տատերով գրված է ծառայության «ԴՇԵՊՊ»՝ ռուսերեն հապավումը, իսկ աջ ցորենի հասկի ստորին մասում՝ «SSFS»՝ անգլերեն հապավումը: Արտաքին կանաչ շրջանագծում ոսկեգույն տատերով գրված են «ՀՀ ԳՆ ՄՆՆԴԱՄԹԵՐՔԻ ԱՆՎՏԱՆԳՈՒԹՅԱՆ ՊԵՏԱԿԱՆ ԾԱՌԱՅՈՒԹՅՈՒՆ» բառերը:

IV. ՊԵՏԱԿԱՆ ՎԵՐԱՀՍԿՈՂՈՒԹՅՈՒՆ ԻՐԱԿԱՆԱՑՆՈՂ ԱՆՁԱՆՑ ՀԱՄԱԶԳԵՍՏԻ ԿՐՄԱՆ ԿԱՐԳԸ ԵՎ ԺԱՄԿԵՏՆԵՐԸ

9. Պետական վերահսկողություն իրականացնող անձանց համազգեստի առանձին մասերը կրելու առանձնահատկություններն են՝

1) գլխարկ կրելու կարգը՝ ականջակալներով գլխարկը, գլխարկը, պիլոտկան կրում են ուղիղ և ազատ ոճով: Թույլատրվում է ականջակալներով գլխարկի ականջակալներն իջեցնել օդի ջերմաստիճանը ցածր լինելու դեպքում.

2) համազգեստը կրելու կարգը՝

ա. վերնազգեստը և տաբատը պետք է կրել մաքուր, հարդարված և արդուկված վիճակում,

բ. վերնազգեստի գրպանների կափույրները պետք է դուրս հանված լինեն,

գ. վերնաշապիկը կրում են բաճկոնի հետ: Վերնաշապիկի օձիքի հետևի մասը պետք է լինի բաճկոնի օձիքի հետ հավասար կամ 0,5 սմ-ից ոչ ավելի բարձրությամբ,

դ. թույլատրվում է վերնաշապիկը կրել առանց բաճկոնի, փողկապով: Կարճ թևքերով վերնաշապիկը թույլատրվում է կրել առանց փողկապի,

ե. վերնաշապիկը պետք է լինի մաքուր, արդուկված,

զ. փողկապն ամրացվում է վերնաշապիկին: Այն պետք է միշտ մաքուր և կոկիկ վիճակում լինի:

10. Պետական վերահսկողություն իրականացնող անձանց համազգեստը կրելու ժամկետները սահմանվում են աղյուսակում:

Աղյուսակ


NN ը/կ	Համազգեստի տարրերը	Կրելու ժամկետը (տարի)	Քանակը՝ մեկ մարդու համար (հատ)
1	2	3	4
Պետական վերահսկողություն իրականացնող տղամարդկանց			
1.	Գլխարկ ականջակալներով	3	1
2.	Պիլոտկա	2	1
3.	Կիսավերարկու	3	1
4.	Բաճկոն	2	1

1	2	3	4
5.	Վերնաշապիկ երկարաթև	1	2
6.	Վերնաշապիկ կարճաթև	1	2
7.	Տաբատ	1	1
8.	Փողկապ	2	1
9.	Գոտի կաշվե	3	1
Պետական վերահսկողություն իրականացնող կանանց			
1.	Գլխարկ ականջակալներով	3	1
2.	Գլխարկ	3	1
3.	Պիլոտկա	2	1
4.	Կիսավերարկու	3	1
5.	Բաճկոն	2	1
6.	Վերնաշապիկ երկարաթև	1	2
7.	Վերնաշապիկ կարճաթև	1	2
8.	Կիսաշրջագգեստ	2	1
9.	Տաբատ	1	1
10.	Փողկապ	2	1
11.	Գոտի կաշվե	3	1

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ-ՆԱԽԱՐԱՐ

Դ. ՀԱՐՈՒԹՅՈՒՆՅԱՆ

Պետական վերահսկողություն իրականացնող տղամարդկանց համազգեստը



Նկար 1




Նկար 2




Նկար 3


Պետական վերահսկողություն իրականացնող կանանց համազգեստը



Նկար 4



Նկար 5



Նկար 6



Նկար 7